



Sabtu, 09 November 2024
Ogen: Galati 5: 13-15



"Ipilih Gelah Bebas"



Bas 09 November 1989 e me wari i ja tembok Berlin si misahkan Jerman Barat ras Jerman Timur runtuh. Ruhtuhna tembok e jadi sada sejarah si penting sabap kejadi n e pe jadi tanda ngadina perang dingin ras kekena demokrasi i Eropa Timur ras Tengah, si terguncang erkiteken kekuasaan Adolf Hitler si kejam bas paksa e. Jenari teptep tanggal 09 November iperingetti selaku wari kebebasan se-doni. I bas wari peringetten e ngulih i iperdengkehken man banta kerna biak-biak kebebasan, uga ngergaken Hak Asasi Manusia ras menegakken demokrasi selaku palas nggeluh masyarakat doni enda. Kebebasen kalak Kristen jadi sada tema utama bas kitab Galati. Surat enda isehken Paulus man perpulungen Galati, alu tujun gelah kerina ia ngergaken kecibal geluhna si enggo ibebasken Tuhan arah kuasa dosa ras kematen. Kebebasen e ibereken Tuhan alu perkuah ateNa, labo gelah isea-seaken. La lit galarna labo ertina la lit ergana. Tapi kebebasan si bereken Tuhan secara gratis e arus si respon rikutken sura-sura Tuhan dengen gelah banci kita ngelai temanta manusia alu la biar-biaren. Arah renungen enda ikawitken ku bas wari kebebasan se doni, maka piga-piga hal si arus rusur silakoken e me:

1. Ngukurken makna kebebasan situhu-tuhu ibas Kristus. Nggo nge kita tuhu-tuhu enggo nggeluh selaku kalak singgo ibebasken Kristus, lanai teriket dosa si ngolangi kinitekenta?
2. Ndarami cara nggeluh si sue ras sura-sura Tuhan. Makeken kesempatan nggeluh e lako ngkelengi labo nuhsasi kalak.
3. Tep-tep wari jadi pasu-pasu man kalak si deban, inget maka kita idilo gelah ibebasken. I pilih Dibata gelah bebas arah kuasa dosa ras kematen, maba kemalemen ate ras kegeluhen ku sekelewetta.

Kebebasen e pemere Dibata, arus i jaga ras iperjuangkan